

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov>

**HARI KHAMIS, 20 OKTOBER 2016, PUKUL 10.00 PAGI**

**Bil. 2**

---

**WAKTU PERTANYAAN-PERTANYAAN MENTERI**

1. MQT-1343-0021  
**Datuk Dr. Haji Abd. Latiff bin Haji Ahmad [ Mersing ]** minta **MENTERI PENDIDIKAN** menyatakan apakah tindakan Kementerian untuk membanteras kes buli di kalangan pelajar sekolah memandangkan kejadian buli di sekolah dewasa ini kian menjadi-jadi agar tidak menjadi barah yang boleh mengancam keselamatan dan keharmonian pelajar.
2. MQT-1343-0025  
**Tuan Haji Nasrudin bin Hassan [ Temerloh ]** minta **MENTERI PENDIDIKAN TINGGI** menyatakan pendirian dan perancangan Kementerian terhadap cadangan mewujudkan dana wakaf pendidikan tinggi di peringkat Persekutuan.
3. MQT-1343-0022  
**Dato' Noraini binti Ahmad [ Parit Sulong ]** minta **MENTERI SUMBER ASLI DAN ALAM SEKITAR** menyatakan penjelasan berhubung fenomena air pasang besar yang berlaku, apakah kesan dan bagaimanakah persediaan dalam menghadapinya.

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov>

**HARI KHAMIS, 20 OKTOBER 2016, PUKUL 10.00 PAGI**

**Bil. 32**

---

**WAKTU PERTANYAAN-PERTANYAAN MENTERI**

---

**PERTANYAAN-PERTANYAAN BAGI JAWAB LISAN**

1. PR-1343-L75987  
**Dato' Haji Mohd Zaim bin Abu Hasan [ Parit ]** minta **MENTERI PENDIDIKAN TINGGI** menyatakan apakah program-program sedia ada di universiti awam dewasa ini masih praktikal dan boleh membantu graduan mempersiapkan diri sebelum melangkah ke alam pekerjaan. Apakah tindakan susulan Kementerian terhadap beberapa laporan media yang melaporkan antara kegagalan kebolehpasaran graduan ialah kurang kemahiran berkomunikasi dan terlalu memilih pekerjaan.
2. PR-1343-L76274  
**Dr. Lee Boon Chye [ Gopeng ]** minta **MENTERI PERTAHANAN** menyatakan setakat mana fahaman pengganas IS mempengaruhi anggota Angkatan Tentera Malaysia
3. PR-1343-L75670  
**Datin Mastura binti Mohd Yazid [ Kuala Kangsar ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan Kementerian telah membuat keputusan untuk melaksanakan "*rent to own*" bagi PPR Kepong di Wilayah Persekutuan. Adakah pihak kementerian bersetuju jika ia dilaksanakan di seluruh Negara.
4. PR-1343-L76670  
**Tuan Ng Wei Aik [ Tanjong ]** minta **PERDANA MENTERI** menyatakan sama ada Pihak Berkuasa Kemajuan Pekebun Kecil Perusahaan Getah (RISDA) akan dibenarkan untuk mengeluarkan logo produk halal yang tersendiri walaupun mendapat tentangan daripada Jabatan Kemajuan Islam Malaysia (JAKIM).

5. PR-1343-L77365  
**Dato' Ahmad Fauzi bin Zahari [ Setiawangsa ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah peranan yang dimainkan oleh pihak Kementerian bagi membendung masalah pedofilia yang dilihat semakin menjadi ancaman kepada masyarakat.
6. PR-1343-L75764  
**Tuan Fong Kui Lun [ Bukit Bintang ]** minta **MENTERI WILAYAH PERSEKUTUAN** menyatakan langkah penyelesaian ke atas masalah kesesakan lalulintas dalam pusat bandaraya Kuala Lumpur yang menjejaskan laluan teksi dan bas serta kenderaan persendirian.
7. PR-1343-L75526  
**Dato' Sri Hasan bin Malek [ Kuala Pilah ]** minta **MENTERI PERDAGANGAN ANTARABANGSA DAN INDUSTRI** menyatakan bahawa Kerajaan telah membelanjakan jutaan ringgit bagi membantu ramai pengusaha melalui pinjaman kepada IKS tempatan dalam membantu mereka untuk lahir sebagai usahawan yang mampu bersaing di pasaran tempatan dan luar negara. Bolehkah pihak Kementerian menyenaraikan jumlah usahawan yang telah benar-benar berjaya dan jumlah usahawan yang kurang berjaya serta gagal.
8. PR-1343-L76285  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **MENTERI PENDIDIKAN TINGGI** menyatakan perkembangan semasa projek pembinaan Hospital Pengajar Universiti Sultan Zainal Abidin (UNISZA).
9. PR-1343-L75722  
**Dato' Sri Wee Jeck Seng [ Tanjong Piai ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan garis panduan ataupun mekanisme yang telah ditubuhkan oleh Kementerian untuk mengawal selia aktiviti-aktiviti "*Multi-Level-Marketing*" atau MLM dan melindungi hak pengguna daripada diambil kesempatan oleh syarikat-syarikat MLM yang tidak bertanggungjawab.
10. PR-1343-L76852  
**Tuan Hee Loy Sian [ Petaling Jaya Selatan ]** minta **MENTERI KERJA RAYA** menyatakan keperluan PJ Dispersal Link (PJD Link) dan adakah lebuh raya ini bakal menggantikan Kinrara-Damansara Expressway (Kidex) yang telah pun dibatalkan oleh Kerajaan Negeri Selangor.
11. PR-1343-L76842  
**Tuan Anyi Ngau [ Baram ]** minta **MENTERI KESIHATAN** menyatakan rancangan pihak Kementerian menaik taraf Hospital Marudi daripada segi kemudahan-kemudahan perubatan terkini dan keadaan fizikal bangunan Hospital Marudi.
12. PR-1343-L76164  
**Puan Alice Lau Kiong Yieng [ Lanang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan usaha Kerajaan dalam membendung aktiviti mengemis dan orang papa yang masih berleluasa di negara kita terutama di Sibu dan bilangan pengemis dan orang papa yang telah dibantu oleh Kerajaan dan di mana mereka ditempatkan di Sibu.

13. PR-1343-L76617  
**Tuan Haji Hasbi bin Haji Habibollah [ Limbang ]** minta **MENTERI KESIHATAN** menyatakan bilakah Kementerian akan membina Klinik Pakar Asas di Hospital Limbang dan bilakah ahli pakar yang tetap akan ditempatkan di Hospital Limbang sementara menunggu klinik pakar asas dibina.
14. PR-1343-L76768  
**Tuan Teo Kok Seong [ Rasah ]** minta **MENTERI PENDIDIKAN** menyatakan :-
- (a) apakah pendirian Kerajaan terhadap Program Dwi Bahasa atau DLP (*Dual Language Programme*); dan
  - (b) bagaimanakah Kementerian Pendidikan menangani rayuan melaksanakan DLP mengikut keperluan dan permintaan ibu bapa tanpa sebarang syarat terdahulu yang telah dikemukakan oleh Persatuan Ibu Bapa dan Guru (PIBG) SMK dan SMKC di Seremban pada 20 September 2016.
15. PR-1343-L76797  
**Dr. Mansor bin Abd Rahman [ Sik ]** minta **MENTERI PENDIDIKAN** menyatakan perbandingan pencapaian prestasi antara sekolah menengah jenis kebangsaan dan sekolah menengah kebangsaan dan bagaimanakah prestasi kelulusan kedua-dua jenis sekolah ini boleh dipertingkatkan.
16. PR-1343-L76549  
**Tuan Ignatius Dorell Leiking [ Penampang ]** minta **PERDANA MENTERI** menyatakan jika "Territorial Sea Act 2012 (Act 750)" sudah dipersetujui oleh Dewan Undangan Negeri Sabah dan jika tujuan Akta tersebut adalah untuk pengambil alihan Kerajaan Persekutuan atas perairan Sabah (hingga 200 batu nautika).
17. PR-1343-L76031  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI PENGANGKUTAN** menyatakan sama ada cadangan untuk membina lapangan terbang di kawasan pedalaman boleh diberi sokongan yang positif memandangkan kegiatan ekonomi dan pertumbuhan kependudukan sudah mulai menuju ke arah kepesatan kegiatan perniagaan dan perhubungan di antara pengeluar dan pengguna terutama sekali dengan pertumbuhan industri pelancongan.
18. PR-1343-L76567  
**Tuan Ahmad Marzuk bin Shaary [ Bachok ]** minta **PERDANA MENTERI** menyatakan usul usul yang diterima oleh Kerajaan sepanjang tahun 2016. Apakah pendirian Kerajaan terhadap usul yang dikemukakan oleh Himpunan Ilmuwan Kebangsaan 2016 anjuran Majlis Dakwah Negara dan Persatuan Ulama Malaysia.

19. PR-1343-L76044  
**Datuk Hajah Norah binti Abd Rahman [ Tanjong Manis ]** minta **MENTERI TENAGA, TEKNOLOGI HIJAU DAN AIR** menyatakan apakah tindakan Kementerian mengenai isu penukaran nombor akaun TNB yang menyebabkan sesetengah pengguna mengalami masalah pembayaran dengan bank dan sama ada Kementerian akan menubuhkan Jawatankuasa Inovasi Pembayaran antara pihak-pihak berkepentingan.
20. PR-1343-L76604  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI PENGANGKUTAN** menyatakan perincian tahunan antara 2000-2015 bagi penggunaan semua mod pengangkutan awam iaitu darat termasuk rel, laut dan udara seperti bilangan penumpang/pengguna purata harian serta jumlah kos perbelanjaan, penambahbaikan dan penggantian.
21. PR-1343-L76833  
**Dato' Sri Douglas Uggah Embas [ Betong ]** minta **PERDANA MENTERI** menyatakan secara terperinci kadar kemiskinan di Sarawak dan berikan pecahan mengikut kumpulan etnik.
22. PR-1343-L75967  
**Tuan Mohamed Hanipa bin Maidin [ Sepang ]** minta **MENTERI KERJA RAYA** menyatakan secara terperinci jumlah keseluruhan pampasan yang telah dibayar kepada setiap pemegang konsesi lebuh raya bermula dari tarikh perjanjian konsesi ditandatangani sehingga sekarang. Nyatakan butiran terperinci jumlah pampasan yang dibayar kepada setiap pemegang konsesi tersebut.
23. PR-1343-L75640  
**Datuk Dr. Haji Abd. Latiff bin Haji Ahmad [ Mersing ]** minta **MENTERI PENDIDIKAN TINGGI** menyatakan kenapakah berlaku lambakan graduan menganggur. Adakah berpunca dari graduan memilih kerja, pengajian di universiti tidak memenuhi pasaran kerja atau disebabkan kekurangan peluang pekerjaan. Apakah tindakan Kementerian untuk menangani masalah berkenaan.
24. PR-1343-L77083  
**Puan Kasthuriraani a/p Patto [ Batu Kawan ]** minta **PERDANA MENTERI** menyatakan bilangan warganegara Malaysia yang dijatuhkan hukuman gantung di negara lain serta senarai negara tersebut dan bilakah Malaysia akan memansuhkan hukuman mati, termasuk hukuman mati mandatori memandangkan Malaysia telah dikritik sebagai ahli tidak tetap Majlis Keselamatan PBB. Jika tidak, mengapa.
25. PR-1343-L76066  
**Dr. Ismail bin Daut [ Merbok ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan usaha-usaha yang dijalankan Kementerian bagi memberi kefahaman kepada rakyat tentang hak pengguna terutamanya kepada golongan muda dan masyarakat tentang sejauh manakah usaha-usaha yang dijalankan ini benar-benar berkesan.

26. PR-1343-L77111  
**Dato' Ngeh Koo Ham [ Beruas ]** minta **MENTERI KEWANGAN** menyatakan jumlah wang yang perlu ditanggung oleh Kerajaan akibat mengambil alih tanggungan 1MDB selepas 1MDB dibubarkan.
27. PR-1343-L76828  
**Datuk Wira Haji Ahmad bin Hamzah [ Jasin ]** minta **PERDANA MENTERI** menyatakan prestasi ekonomi rakyat pada akhir tahun 2008, 2012 dan terkini dari segi kadar pengangguran, bilangan penganggur, gaji median bulanan, bilangan pekerja yang menerima gaji di bawah median bulanan, kadar inflasi, jumlah nilai hutang isi rumah dan nisbahnya GDP, bilangan orang / syarikat yang diisytiharkan bankrup, bilangan syarikat / anak / cawangan syarikat yang ditutup, jumlah pekerjaan yang hilang dan bilangan pekerjaan baru yang diwujudkan serta apakah prakarsa terbaru untuk memperbaiki prestasi ini
28. PR-1343-L75972  
**Tuan M. Kulasegaran [ Ipoh Barat ]** minta **MENTERI SUMBER MANUSIA** menyatakan jumlah pekerja yang telah diberhentikan atau dipecat untuk tahun 2015 dan 2016, dari jumlah diatas, berapa ramaikah orang pekerja yang ditawarkan untuk kembali bekerja dan diberi pampasan pemberhentian kerja (*retrenchment benefits*).
29. PR-1343-L75692  
**Ir. Shaharuddin bin Ismail [ Kangar ]** minta **MENTERI PERTANIAN DAN INDUSTRI ASAS TANI** menyatakan apakah langkah Kementerian dalam mempertingkatkan lagi sumber hasil ekonomi melalui sistem pertanian moden yang berintegrasikan tenaga solar (AIPV) seterusnya menjurus kepada penjaan hasil tenaga hijau dan hasil pertanian moden rumah hijau mesra alam.
30. PR-1343-L76655  
**Dr. Hajah Siti Mariah binti Mahmud [ Kota Raja ]** minta **MENTERI PERTANIAN DAN INDUSTRI ASAS TANI** menyatakan sebab-sebab bekalan dan harga ayam tidak stabil dan apakah perancangan Kerajaan untuk memastikan bekalan daging ayam mencukupi setiap masa pada harga yang berpatutan.
31. PR-1343-L77319  
**Tuan Sim Tong Him [ Kota Melaka ]** minta **MENTERI BELIA DAN SUKAN** menyatakan tentang kerja-kerja persiapan kemudahan-kemudahan keseluruhan termasuk sambungan pengangkutan di antara tapak pertandingan untuk sukan SEA yang akan datang :-
- (a) senaraikan semua kekurangan yang telah dikenalpasti dan jadual masa untuk mengatasinya; dan
  - (b) bagaimanakah dengan kekurangan dan tidak mencapai tahap dunia, peralatan sukan, gelanggang dan kemudahan-kemudahan asas untuk latihan ahli-ahli (peserta-peserta) negara kita. Adakah semuanya telah dibaiki.

32. PR-1343-L76188  
**Tuan Lim Kit Siang [ Gelang Patah ]** minta **PERDANA MENTERI** menyatakan sama ada dalam kajian persempadanan semula bahagian-bahagian pilihan raya yang bermula pada 15 September 2016 ini, semua kerusi Parlimen telah disusun mengikut kategori bandar, separuh bandar dan luar bandar, jika ada nyatakan kriteria yang diguna pakai.
33. PR-1343-L77314  
**Tuan Julian Tan Kok Ping [ Stampin ]** minta **MENTERI KEWANGAN** menyatakan jumlah pendapatan negeri Sarawak semenjak 2008. Senaraikan sumbangan mahupun bayaran ini kepada Persekutuan mengikut tahun daripada segi jumlah serta peraturan pendapatan setiap tahun.
34. PR-1343-L76369  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan statistik report terhadap kes pemerdagangan manusia dan penjatuhan hukuman (*conviction*) dari tahun 2010-2016.
35. PR-1343-L76153  
**Dato' Fauzi bin Abdul Rahman [ Indera Mahkota ]** minta **PERDANA MENTERI** menyatakan langkah-langkah yang diambil oleh Kerajaan untuk mengatasi masalah ketirisan dan pembaziran kewangan negara sepertimana yang dilaporkan di dalam Laporan Ketua Audit Negara beberapa tahun kebelakang ini.
36. PR-1343-L76715  
**Tuan Oscar Ling Chai Yew [ Sibul ]** minta **MENTERI KERJA RAYA** menyatakan jumlah peruntukan untuk memasang lampu jalan di kawasan P.212 Sibul dari 2010 sehingga 2016, senaraikan jumlah peruntukan dan jumlah lampu yang dipasang, dan tempat yang dipasang mengikut tahun.
37. PR-1343-L75881  
**Dato' Takiyuddin bin Hassan [ Kota Bharu ]** minta **MENTERI PENGANGKUTAN** menyatakan :-
- (a) bilakah Kerajaan akan memulakan projek pembesaran Lapangan Terbang Sultan Ismail Petra (LTSIP), Pengkalan Chepa; dan
  - (b) bilakah LTSIP akan dinaik taraf kepada sebuah lapangan terbang antarabangsa.
38. PR-1343-L75506  
**Puan Hajah Zuraida binti Kamaruddin [ Ampang ]** minta **MENTERI DALAM NEGERI** menyatakan dengan lebih terperinci, jika ada kajian pernah dilakukan, apakah dengan meletakkan tikus, nyamuk dalam penjara akan menginsafkan banduan.
39. PR-1343-L76337  
**Tuan Wan Hasan bin Mohd Ramli [ Dungun ]** minta **MENTERI DALAM NEGERI** menyatakan tahap keselamatan dan kawalan di sempadan Malaysia-Thailand bagi menghalang penyeludupan dadah dan senjata api.

40. PR-1343-L76978  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan apakah bentuk-bentuk bantuan yang telah Kerajaan berikan kepada pusat pengajian pondok di negeri Kelantan dan berapa jumlahnya.
41. PR-1343-L76144  
**Tuan Wong Ling Bui [ Sarikei ]** minta **MENTERI SUMBER MANUSIA** menyatakan apakah sektor industri Malaysia sedang menghadapi masalah kekurangan pekerja yang terbesar. Terdapat ramai pekerja pembinaan perlu bekerja 2 syif sehari tetapi dalam undang-undang di negara kita hanya membenarkan pekerja bekerja maksimum 30 jam dalam masa seminggu. Bagaimanakah kita mampu menyelesaikan masalah ini.
42. PR-1343-L77157  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan Bank baru yang menjadi "*custodian bank*" kepada "unit" yang bernilai RM940 juta yang dimiliki oleh Brazen Sky Limited, yang sebelum ini diuruskan oleh BSI Bank, Singapura yang telah ditarik lesen perbankan mereka. Apakah nilai semasa pelaburan tersebut.
43. PR-1343-L75519  
**Puan Teresa Kok Suh Sim [ Seputeh ]** minta **PERDANA MENTERI** menyatakan sama ada kabinet pernah mengadakan perbincangan yang menyeluruh tentang Rang Undang-Undang Pindaan Akta 355 oleh YB Marang sebelum ia dibentangkan di Dewan Rakyat dalam sidang yang lepas. Apakah Kerajaan akan mempertimbangkan reaksi yang kuat daripada anggota kabinet dan juga masyarakat yang membantah pindaan Akta 355.
44. PR-1343-L75909  
**Dr. Tan Seng Giaw [ Kepong ]** minta **PERDANA MENTERI** menyatakan langkah-langkah berkesan yang diadakan untuk menyelenggarakan semua jenis pengangkutan awam.
45. PR-1343-L77126  
**Dato' Johari bin Abdul [ Sungai Petani ]** minta **PERDANA MENTERI** menyatakan sudahkah kerajaan membuat keputusan untuk memansuhkan penggunaan Lesen Kenderaan Perkhidmatan Awam (PSV) oleh Jabatan Pengangkutan Jalan (JPJ) dan jika benar bagaimana mengawal pemandu-pemandu warga asing yang mendaftar dengan *Uber* dan *GrabCar*.
46. PR-1343-L76484  
**Tuan Wong Sze Phin @ Jimmy [ Kota Kinabalu ]** minta **MENTERI SUMBER ASLI DAN ALAM SEKITAR** menyatakan undang undang yang digunapakai bagi memastikan perancangan dan pembangunan bandar tidak menjejaskan alam semula jadi dan sistem saliran. Mengapa kerja-kerja pemotongan bukit di Bandar Raya Kota Kinabalu dan Penampang masih dibenarkan.



47. PR-1343-L76399  
**Tuan Zairil Khir Johari [ Bukit Bendera ]** minta **PERDANA MENTERI** menyatakan sama ada Kerajaan bercadang untuk memperkenalkan undang-undang baru yang mentakrifkan serta membezakan pornografi kanak-kanak daripada bahan lucah lain, serta mengenakan hukuman berat ke atas mereka yang mengedar dan menghasilkan pornografi kanak-kanak.
48. PR-1343-L77112  
**Dato' Ngeh Koo Ham [ Beruas ]** minta **PERDANA MENTERI** menyatakan kenapa jumlah penjawat awam semakin bertambah sungguhpun polisi penswataan projek-projek Kerajaan adalah untuk mengurangkan jumlah penjawat awam.
49. PR-1343-L77232  
**Tuan Er Teck Hwa [ Bakri ]** minta **MENTERI DALAM NEGERI** menyatakan jumlah pekerja asing yang telah memohon masuk ke negara ini dan jumlah permintaan daripada pasaran tempatan, jumlah permohonan yang diluluskan, ditolak dan masih dalam proses.
50. PR-1343-L75957  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan adakah wakil Malaysia berucap di mesyuarat tergempar Majlis Keselamatan PBB pada 25 September 2016 yang mengutuk tindakan Rusia dan Syria menyerang bandar Aleppo secara tidak berperikemanusiaan.
51. PR-1343-L77431  
**Tuan Manivanan a/l Gowindasamy [ Kapar ]** minta **MENTERI BELIA DAN SUKAN** menyatakan:-
- (a) apakah usaha-usaha Kerajaan Persekutuan untuk mempromosi dan memperkasakan sukan-sukan tempatan (tradisional) seperti wau, congkak, gasing, konda-kondi dan kabaddi di kalangan belia di Malaysia; dan
  - (b) apakah Kerajaan Persekutuan mampu meneliti cadangan untuk membina sebuah kompleks sukan di Parlimen Kapar untuk manfaat penduduk setempat. Parlimen Kapar mempunyai rekod pengundi terbanyak di Malaysia iaitu seramai 150 000 pengundi dan kepadatan penduduk hampir 600 000 orang, maka adakah rekod sebegini akan diperhalusi oleh Kerajaan Pesekutuan sebelum membuat keputusan terhadap cadangan pembinaan sebuah kompleks sukan di Parlimen Kapar.
52. PR-1343-L77231  
**Tuan Er Teck Hwa [ Bakri ]** minta **MENTERI DALAM NEGERI** menyatakan operasi-operasi yang dijalankan oleh setiap Ibu Pejabat Polis Daerah (IPD) setiap tahun dari 2010 hingga 2016 mengikut pecahan jenis operasi dan kesalahan, bilangan tangkapan, bilangan pendakwaan, bilangan bersalah dan dijatuhkan hukuman, dan dibebaskan daripada pertuduhan.

**ATURAN URUSAN MESYUARAT DAN USUL-USUL**

1. (D.R.14/2016) Rang Undang-Undang Perancangan Bandar dan Desa (Pindaan) 2016 – **Menyambung semula perbahasan atas masalah, “ Bahawa Rang Undang-Undang ini dibacakan kali yang kedua sekarang, “ ( 19 Oktober, 2016 )**  
  
**[ Menteri Kesejahteraan Bandar, Perumahan dan Kerajaan Tempatan ]**
2. (D.R.13/2016) Rang Undang-Undang Mahkamah **Bacaan Kali** (Kaedah-Kaedah Pemulaan Tindakan **Yang Kedua** Sivil) 2016  
  
**[ Menteri di Jabatan Perdana Menteri ]**
3. (D.R.16/2016) Rang Undang-Undang Pentadbiran “ Undang-undang Islam (Wilayah-Wilayah Persekutuan) (Pindaan) 2016  
  
**[ Menteri di Jabatan Perdana Menteri ]**
4. **Menteri Kewangan** akan mencadangkan:-  
  
“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.
5. **Dato’ Seri Abdul Hadi bin Awang [ Marang ]** akan mencadangkan:-  
  
“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-  
  
i. menggantikan Seksyen 2 dengan seksyen berikut:  
  
“2. Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan.”; dan

- ii. memasukkan selepas seksyen 2 dengan seksyen berikut:

**“2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati.”

**[ Menteri di Jabatan Perdana Menteri ]**

6. PR-1343-U75583

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

**[ Menteri Pertanian dan Industri Asas Tani ]**

7. PR-1343-U75584

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat.

Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukan di samping digunakan untuk menyiram tanaman atau taman-taman. Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

**[ Menteri Sumber Asli dan Alam Sekitar ]**

8. PR-1343-U75585

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumus satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

**[ Menteri Kemajuan Luar Bandar dan Wilayah ]**

9. PR-1343-U75586

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadahkan dan disimpan dengan baik.

Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

**[ Menteri Kesejahteraan Bandar, Perumahan dan Kerajaan Tempatan ]**

10. PR-1343-U75587

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

**[ Menteri Kewangan ]**

11. PR-1343-U75588

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336.

Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khasnya."

**[ Menteri Kewangan ]**

12. PR-1343-U75589

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa banjir warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah meminda undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

**[ Menteri Kesejahteraan Bandar, Perumahan dan Kerajaan Tempatan ]**

13. PR-1343-U76223

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbincangan di Dewan Rakyat dengan kadar segera."

**[ Perdana Menteri ]**

14. PR-1343-U76225

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

**[ Perdana Menteri ]**

15. PR-1343-U76226

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

**[ Perdana Menteri ]**

16. PR-1343-U76228

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

**[ Perdana Menteri ]**

17. PR-1343-U77356

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucus a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

**[ Menteri Dalam Negeri ]**

18. PR-1343-U75910

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan langkah-langkah untuk mencegah pengganas di Malaysia."

**[ Menteri Dalam Negeri ]**

19. PR-1343-U75911

**Dr. Tan Seng Giaw [ Kepong ]** akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

**[ Menteri Pengangkutan ]**

20. PR-1343-U75794

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

**[ Perdana Menteri ]**

21. PR-1343-U75795

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

**[ Menteri Kesejahteraan Bandar, Perumahan dan Kerajaan Tempatan ]**

22. PR-1343-U75707

**Tuan Loke Siew Fook [ Seremban ]** akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janeiro. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat membanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus dibanggakan oleh seluruh rakyat Malaysia."

**[ Menteri Belia dan Sukan ]**



23. PR-1343-U77348

**Tuan Liew Chin Tong [ Kluang ]** akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

**[ Menteri Kewangan ]**

24. PR-1343-U77349

**Tuan Liew Chin Tong [ Kluang ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

**[ Perdana Menteri ]**

25. PR-1343-U77437

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Dalam Negeri ]**

26. PR-1343-U77438

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

**[ Menteri Dalam Negeri ]**

27. PR-1343-U77439

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

**[ Menteri Pelajaran ]**

**\*\*UCAPAN**  
**( PERATURAN MESYUARAT 17 BAHARU )**  
**( KAMAR KHAS )**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 20.10.2016  (Khamis)	1. YB Dato' Hasbullah Bin Osman  (Gerik)	1. Serangan Gajah Liar Terhadap Masyarakat di Parlimen Gerik.	1. YB Menteri Sumber Asli dan Alam Sekitar

**\*\* Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**